

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲՔԱ-ԼՕ-2021/30, 14.04.2021թ.

Բողոք բերող անձ՝ «Մեգիէլ» ՍՊԸ

Պատվիրատու՝ «Նորք-Մարաշ բժշկական կենտրոն» ՓԲԸ

Գնման ընթացակարգի ծածկագիրը՝ «ՆՄԲԿ-ԲՄԱՊՁԲ-21/44» բաց մրցույթ

Գնման առարկան՝ բժշկական նշանակության ապրանքների ձեռքբերում

Բողոքի պահանջը՝ պարտավորեցնել Պատվիրատուին չկայացած համարելու «ՆՄԲԿ-ԲՄԱՊՁԲ-21/44» ծածկագրով բաց մրցույթի գնման ընթացակարգի 1-9-րդ և 11-13-րդ չափաբաժինները կամ պարտավորեցնել գնահատող հանձնաժողովին փոփոխություններ կատարել հրավերի 1-9-րդ և 11-13-րդ չափաբաժիններում:

ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ

ՔԱՐՏՈՒՂԱՐ՝ Ռ. ՄԿՐՏՉՅԱՆ

Նիստերին կարելի է առցանց հետևել <https://www.e-gov.am/gnumner/> հղումով.

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ

որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,

- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

Ք. Երևան

14.04.2021թ.

Գնումների հետ կապված բողոքներ քննող անձին

Հասցե՝ Երևան քաղ., Մելիք Ադամյան 1

Բողոք բերող անձ՝ «Մեգիել» ՍՊ ընկերություն,

տնօրեն Ս. Փարիզյան

Հասցե՝ Երևան քաղ., Կոմիտաս 56, 165 տարածք

Էլ. փոստ՝ office@megiel.am, հեռ. 010-287070, 043-903090

Պատվիրատու՝ «Նորք-Մարաշ բժշկական կենտրոն» ՓԲԸ

Հասցե՝ Երևան քաղ., Ա. Արմենակյան 108/4

Գնման ընթացակարգի ծածկագիր՝ ՆՄԲԿ-ԲՄԱՊԶԲ-21/44

Գնման առարկա՝ բժշկական նշանակության ապրանքների ձեռքբերում

Բ Ո Ղ Ո Ք

1. Վեճի առարկան.

1.1 «Նորք-Մարաշ բժշկական կենտրոն» ՓԲ ընկերության (հետայսու՝ Պատվիրատու) կողմից հայտարարվել է ՆՄԲԿ-ԲՄԱՊԶԲ-21/44 ծածկագրով բաց մրցույթ, որն իրականացվելու է մեկ փուլով:

1.2 Հրավերը հրապարակվել է 06.04.2021թ եւ մասնակցության հայտերի ներկայացման վերջնաժամկետ է սահմանված 21.04.2021թ ժամը՝ 12:00 ներառյալ: Հայտերի բացումը տեղի է ունենալու 21.04.2021թ ժամը 12:00-ին:

1.3 «Մեգիել» ՍՊ ընկերությունը (հետայսու՝ Ընկերություն) ՆՄԲԿ-ԲՄԱՊԶԲ-21/44 ծածկագրով մրցույթին մասնակցելու նպատակով ուսումնասիրելով հրավերը՝ տեխնիկական բնութագրերում արձանագրել է «Գնումների մասին» ՀՀ օրենքով սահմանված պահանջների անհամապատասխանություն:

1.4 Ըստ Ընկերության՝ «Գնումների մասին» ՀՀ օրենքի եւ ՀՀ կառավարության 04.05.2017թ թիվ 526-Ն որոշման պահանջին չեն համապատասխանում մրցույթի 1-9 եւ 11-13-րդ չափարաժիհները:

2. Բողոքի փաստական եւ իրավական հիմքերը.

«Գնումների մասին» ՀՀ օրենքի (հետայսու՝ Օրենք) 3-րդ հոդվածի 1-ին մասի 2-րդ կետի համաձայն Օրենքի նպատակն է ի թիվս այլի գնումների եւ գնումների գործընթացի տնտեսող, արդյունավետ եւ օգտավետ իրականացումը:

Համաձայն Օրենքի 3-րդ հոդվածի 2-րդ մասի գնումների գործընթացը հիմնվում է հետևյալ սկզբունքների վրա.

1) գնման գործընթացի միասնական կանոններով մրցակցային, թափանցիկ, համաչափ, հրատարակային եւ ոչ խտրական հիմունքներով կազմակերպում.

2) պայմանագրի կնքման նպատակով մասնակիցների շրջանակի ընդլայնում եւ նրանց միջեւ մրցակցության խրախուսում.

3) ցանկացած անձի համար, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, գնման գործընթացին մասնակցելու իրավահավասարություն:

Օրենքի 7-րդ հոդվածի 1-ին մասի համաձայն՝ ցանկացած անձ, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, ունի գնման գործընթացին մասնակցելու հավասար իրավունք:

Ներկայացված նորմերի վերլուծությունից փաստում ենք, որ գնումների օրենսդրությունը հիմնվում է գնման գործընթացի մրցակցային, թափանցիկ, համաչափ, հրապարակային, ոչ խտրական գնման գործընթացին մասնակցելու իրավահավասարության սկզբունքների վրա, ապահովելով գնումների գործընթացի տնտեսող, արդյունավետ եւ օգտավետ իրականացում:

Օրենքի 13-րդ հոդվածի համաձայն՝

1. Գնման առարկայի բնութագրերը պետք է ամբողջությամբ եւ հստակ նկարագրեն ձեռք բերվող ապրանքի, աշխատանքի կամ ծառայության հատկանիշները, դրանց ձեռքբերման եւ վճարման պայմանները՝ բացառելով տարակերպ մեկնաբանությունը: Գնման առարկայի բնութագրերը, որոնք ներառում են նաև պայմանագրի գինը, ընդգրկվում են պայմանագրում:

2. Գնման առարկայի բնութագրերը՝

1) պետք է մրցակցության հավասար պայմաններ ապահովեն հնարավոր մասնակիցների համար.

2) չպետք է հանգեցնեն գնումների գործընթացում մրցակցության համար չհիմնավորված խոչընդոտների առաջացմանը.

3) պետք է լինեն օբյեկտիվորեն հիմնավորված եւ համարժեք լինեն այն կարիքին, որի բավարարման նպատակով կատարվում է տվյալ գնումը.

4) ներառում են գնման առարկայի մասնագրի, տեխնիկական տվյալների, իսկ աշխատանքների դեպքում՝ նաև աշխատանքների ծավալաթերթի, ժամանակացույցի եւ այլ ոչ գնային պայմանների ամբողջական եւ համարժեք նկարագրությունը:

3. Ելնելով գնման առարկայի առանձնահատկությունից՝ դրանց հատկանիշները հնարավորինս ներառում են ձեռք բերվող ապրանքի, աշխատանքի կամ ծառայության որակին, ստանդարտին, անվտանգությանը, պայմանական նշաններին, տերմինաբանությանը, փաթեթավորմանը, բեռնաթափմանը, չափին, նախագծերին, ինչպես նաև գնման առարկայի այլ հատկանիշներին վերաբերող պայմանների հստակ նկարագրությունը՝ հիմնված միջազգային ստանդարտների եւ Հայաստանի Հանրապետությունում գործող նորմատիվատեխնիկական փաստաթղթերի,

ստանդարտների, իսկ դրանց բացակայության դեպքում՝ ժամանակավոր տեխնիկական պայմանների վրա:

4. Գնման առարկայի հատկանիշները կարող են սահմանվել նաև որպես կատարողականի կամ գործառության (ֆունկցիոնալ) նկարագրեր, որոնք պետք է ներկայացվեն բավարար ճշտությամբ՝ հնարավորություն տալով մասնակիցներին եւ պատվիրատուին ճշգրիտ ընկալել պայմանագրի առարկան:

ՀՀ կառավարության 04.05.2017թ թիվ 526-Ն որոշման (հետայսու՝ Կորգ) 22-րդ կետի համաձայն՝ գնման առարկայի բնութագրերը սահմանելիս պետք է հաշվի առնել, որ դրանց պետք է բավարարեն մեկից ավելի հնարավոր մասնակիցներ և արտադրողներ՝ բացառությամբ գնումը սույն կարգի 23-րդ կետի 4-րդ ենթակետով նախատեսված հիմքով կատարելու դեպքերի:

Օրենքի 25-րդ հոդվածի 2-րդ մասի համաձայն՝ արգելվում է խմբավորել առանձին բնութագրեր ունեցող գնման առարկաները մեկ չափաբաժնում, բացառությամբ այն դեպքերի, երբ պատվիրատուն հիմնավորում է նման խմբավորման անհրաժեշտությունը:

Վիճարկվող հրավերի տեխնիկական բնութագրերի 1-9 եւ 11-13-րդ չափաբաժինների նկարագրությունը չեն համապատասխանում նշված նորմի պահանջներին:

ՆՄԲԿ-ԲՄԱՊԶԲ-21/44 ընթացակարգի 1-9 եւ 11-13-րդ չափաբաժինների վերաբերյալ պարզաբանում ստանալու նպատակով հարցադրումներ էր ներկայացվել ընթացակարգի գնահատող հանձնաժողովին:

Հարցադրումների վերաբերյալ տրված պարզաբանումն ամբողջական, սպառիչ եւ հիմնավորված չէ:

Վիճարկվող չափաբաժիններով խմբավորված են առանձին բնութագրեր ունեցող գնման առարկաներ, սակայն դրա անհրաժեշտության հիմնավորում Պատվիրատուն չի ներկայացրել:

Պատվիրատուին ներկայացվել է հետևյալ հարցադրումները պարզաբանման համար.

1. 1-ին չափաբաժնով պահանջում էր տարբեր չափերի եւ ձևերի կաթետր ախտորոշիչ, այսինքն տարբեր ապրանքներ 2000 հատ, խնդրում ենք հստակ նշել եւ հրավերում կատարել փոփոխություն, թե ո՞ր չափից եւ ձևից քանի հատ էր պահանջում, որպեսզի հնարավոր լինի ժամանակին իրականացնել մատակարարում, քանի որ բոլոր տեսակներից, յուրաքանչյուրից 2000 հատ հնարավոր չէ ներկրել եւ պահեստավորել: Հետևաբար անհրաժեշտ է չափերը, համապատասխանաբար տեսակները, ներկայացնել առանձին չափաբաժիններով:

2. Նույն տրամաբանությամբ ներկայացված են մյուս չափաբաժինները, ներկայացված են տարբեր չափերի ապրանքներ եւ նշված է որոշակի քանակ, անհրաժեշտ է հստակեցնել, թե որ չափից քանի հատ էր պահանջում, խնդրում ենք փոփոխություն կատարել հրավերում եւ ներկայացնել ապրանքներն առանց խմբավորման հստակ նշելով քանակը կախված չափից:

3. 6-8-րդ չափաբաժիններով պահանջվում է դեղապատ ստենտ սիրովիմուս եւ էվերոլիմուս դեղանյութով: Դեղանյութի նշումով սահմանափակվում է հնարավոր մասնակիցների հայտ ներկայացնելու իրավունքը, այսինքն մեկ այլ լիմուս ընտանիքի

դեղանյութով ստենտների մատակարար հնարավոր մասնակիցները չեն կարող մասնակցել ընթացակարգին: Խնդրում ենք փոփոխել նշված չափաբաժինների տեխնիկական բնութագիրը, նշելով պահանջվող դեղանյութը «լիմուս ընտանիքի», որի դեպքում կարող են հայտ ներկայացնել ինչպես էվերոլիմուս, սիոլիմուս, այնպես էլ գոտորոլիմուս դեղանյութով ստենտներ:

Միևնույն ժամանակ տարակուսելի է, եթե դեղանյութի տեսակը կարելորդության հանգամանք է հիվանդների անվտանգության, անդառնալի հետեւանքներից զերծ մնալու համար, ապա ինչու առհասարակ դեղանյութի պահանջ առկա չէ 9-րդ չափաբաժնում, ավելին այլ չափորոշիչներ էլ առկա չեն ինչպես 6-8-րդ չափաբաժիններում:

Այս երկակի մոտեցումից եզրահանգում ենք, որ 6-8-րդ չափաբաժիններով ներկայացված չափորոշիչները կարելոր բաղադրիչներ չեն հիվանդների անվտանգության համար, այլապես նույն չափանիշների կարելորությունը առկա կլիներ 9-րդ չափաբաժնում, ուստի միտումնավոր սահմանափակումներ էք առաջացնում հնարավոր մասնակիցների համար: Խնդրում ենք պարզաբանել եւ հստակեցնել տեխնիկական բնութագրերը ներկայացվածի վերաբերյալ:

4. 11-13-րդ չափաբաժիններով պահանջվող բիոլոգիական եւ մեխանիկական փականների երկու տեսակի 5-ից ավելի չափերի ապրանքները ներկայացված են մեկ չափաբաժնով, խնդրում ենք պարզաբանել յուրաքանչյուր տեսակից եւ չափից քանի հատ էք պահանջում եւ ըստ դրա փոփոխել տեխնիկական բնութագիրը, առանձնացնելով տեսակների եւ չափերից կախված առանձին չափաբաժիններով:

Հարցադրումների վերաբերյալ Պատվիրատուն հայտնել է հետեւյալը.

Պարզաբանում 1.

Նշված հարցի շուրջ եղել է բողոք եւ դրա վերաբերյալ կայացվել է ԳԲՔԱ-ԼՕ-2021/11 որոշումը: Բողոքի քննության արդյունքում պատվիրատուն հիմնավորել է տարբեր ապրանքների մեկ չափաբաժնում խմբավորելու անհրաժեշտությունը, ինչի արդյունքում բողոքը բավարարվել է մասնակի Պատվիրատուին պարտավորեցնելով հրավերում կատարել այնպիսի փոփոխություն, որ տեխնիկական բնութագրերին բավարարեն մեկից ավելի հնարավոր մասնակիցներ եւ արտադրողներ: Հրավերում կատարված փոփոխության արդյունքում ապահովված են «Գնումների մասին» ՀՀ օրենքի 13-րդ հոդվածի, 25-րդ հոդվածի, ՀՀ Կառավարության 04.05.2017թ. թիվ 526-Ն որոշմամբ հաստատված «Գնումների գործընթացի կազմակերպման կարգ»-ի 22-րդ կետի, ինչպես նաեւ ԳԲՔԱ-ԼՕ-2021/11 որոշման պահանջները:

Ելնելով վերոգրյալից հայտնում ենք որ դիմողի առաջարկը ընդունելի չէ Պատվիրատուի կողմից:

Պարզաբանում 2.

Դեղի նյութը, շատ կարելոր. եւ էական ցուցանիշ է, ուստի դրա նշելը բխում է «Գնումների մասին» ՀՀ օրենքի 13-րդ հոդվածի 3-րդ կետի պահանջներից:

Ինչ վերաբերվում է 9-րդ չափաբաժնում դեղը չնշելուն, ապա Պատվիրատուն հստակ գիտի թե ինչ դեղաձածկով է օժտված տվյալ չափաբաժնում նկարագրված ապրանքը, սակայն դրա հստակ նշելու պարագայում չի ապահովվում ՀՀ Կառավարության 04.05.2017թ. թիվ 526-Ն որոշմամբ հաստատված «Գնումների գործընթացի կազմակերպման կարգ»-ի 22-

րդ կետի պահանջները, կամ առնվազն Պատվիրատուն չունի տեղեկություն մեկից ավելի արտադրողի առկայության վերաբերյալ: Հետևաբար, կարգի պահանջը չխախտելու նպատակով Պատվիրատուն 9-րդ չափաբաժնի տեխնիկական բնութագրերից բացառել է դեղի նյութի վերաբերյալ նշումը: Նման իրավիճակ առկա չէ 6-8-րդ չափաբաժիններում, ուստի այնտեղ ներառված են դեղի նյութի տվյալը: Գտնում ենք, որ Ձեր հարցադրումը եւ պահանջը հիմնավոր չէ:

Պարզաբանում 3.

Հրավերով նախատեսված փականներն ունեն այնպիսի առանձնահատկություն, որը թույլ չի տալիս նախորոքը կանխատեսել կիրառման ենթակա կոնկրետ չափը եւ ձևը: Այսինքն, հիվանդից կախված կարող է լինել տարբեր չափերի եւ ձևի անհրաժեշտություն, եւ Պատվիրատուի մոտ փաստացի ծախսից հետո միայն պարզ է դառնում ծախսված ապրանքի մատակարարման եւ պահեստավորման անհրաժեշտությունը: Հիվանդի կյանքին վտանգ սպառնացող իրավիճակ չունենալու համար Պատվիրատուն (բնականաբար նաեւ Մատակարարը՝ Ըստ Պատվիրատուի պահանջի) պետք է ապահովի բոլոր հնարավոր չափերի առկայություն: Այս առանձնահատկությունից ելնելով Պատվիրատուները չեն կարող ըստ առանձին չափերի եւ ձևի նախապես կատարել քանակական կանխատեսումներ: Հետևաբար, առանձին չափաբաժիններ առանձնացնելու հետ կապված Ձեր առաջարկը ընդունելի չէ Պատվիրատուի կողմից:

- Պատվիրատուն իր պարզաբանմամբ ճիշտ չի ներկայացնում ԳԲՔԱ-ԼՕ-2021/11 որոշման եզրահանգումներն ու վերլուծությունը, մասնավորապես որոշման ուսումնասիրությունից չենք կարող արձանագրել գեթ մեկ եզրահանգում, որ բողոքներ քննող անձն արձանագրած լինի, թե Պատվիրատուն հիմնավորել է Օրենքի 25-րդ հոդվածի 2-րդ մասով խմբավորման անհրաժեշտությունը:
- ԳԲՔԱ-ԼՕ-2021/11 որոշմամբ բողոքներ քննող անձը եզրահանգել էր, որ 15.02.2021թ հրապարակված ՆՄԲԿ-ԲՄԱՊՁԲ-21/44 ընթացակարգի 1-9-րդ չափաբաժիններ տեխնիկական բնութագրերը չե՞ն ապահովում «Գնումների մասին» ՀՀ օրենքի 13-րդ հոդվածի 2-րդ մասի եւ Կարգի 22-րդ կետի պահանջները: Այնուհետեւ, բողոքներ քննող անձը եզրահանգել է, որ Օրենքի 25-րդ հոդվածի 2-րդ մասով նախատեսված իրավակարգավորման կիրառման համար՝ անկախ հիմնավոր լինելու կամ չլինելու եւ հիմնավորվածության աստիճանի (օբյեկտիվ հանգամանքներից ելնելով) Պատվիրատուն նախ եւ առաջ պետք է հաշվի առնի Օրենքի 13-րդ հոդվածի 2-րդ մասի եւ Կարգի 22-րդ կետով նախատեսված դրույթները՝ հնարավոր մասնակիցների համար ապահովի մրցակցության հավասար պայմաններ, դրանով իսկ բացառելով գնումների գործընթացում մրցակցության համար չհիմնավորված խոչընդոտների առաջացումը:
- Այսպիսով, չենք արձանագրում, որ բողոքներ քննող անձը ԳԲՔԱ-ԼՕ-2021/11 որոշմամբ հիմնավորված համարի առանձին բնութագրեր ունեցող առարկաների խմբավորման անհրաժեշտությունը: Պատվիրատուն սուբյեկտիվ ընկալմամբ է մեկնաբանում որոշման եզրահանգումները:

06.04.2021թ հրապարակված ՆՄԲԿ-ԲՄԱՊՁԲ-21/44 ընթացակարգի 6-9-րդ չափաբաժիններով Պատվիրատուն պահանջում է ստենտ դեղապատ:

6-8-րդ չափաբաժիններով պահանջվում է դեղապատ ստենտ սիրովիմուս եւ էվերոլիմուս դեղանյութով, 9-րդ չափաբաժնով դեղանյութի տեսակի պահանջ չի ներկայացնում, ինչպես նաեւ 9-րդ չափաբաժնով չի ներկայացնում ստենտի համար «Կարելուրագույն» այն չափորոշիչները որոնք ներկայացված են 6-8-րդ չափաբաժինների համար:

Պատվիրատուն իր պարզաբանմամբ հայտնում է հետեւյալը՝ *դեղի նյութը, շատ կարելուր եւ էական ցուցանիշ է, ուստի դրա նշելը բխում է «Գնումների մասին» ՀՀ օրենքի 13-րդ հոդվածի 3-րդ կետի պահանջներից:*

Ինչ վերաբերվում է 9-րդ չափաբաժնում դեղը չնշելուն, ապա Պատվիրատուն հստակ գիտի թե ինչ դեղաձածկով է օժտված տվյալ չափաբաժնում նկարագրված ապրանքը, սակայն դրա հստակ նշելու պարագայում չի ապահովվում ՀՀ Կառավարության 04.05.2017թ. թիվ 526-Ն որոշմամբ հաստատված «Գնումների գործընթացի կազմակերպման կարգ»-ի 22-րդ կետի պահանջները, կամ առնվազն Պատվիրատուն չունի տեղեկություն մեկից ավելի արտադրողի առկայության վերաբերյալ: Հետեւաբար, կարգի պահանջը չիսխատելու նպատակով Պատվիրատուն 9-րդ չափաբաժնի տեխնիկական բնութագրերից բացառել է դեղի նյութի վերաբերյալ նշումը:

Այսպիսով, Պատվիրատուն հավաստում է, որ 6-8-րդ չափաբաժիններով նշելով դեղանյութի տեսակը չի ապահովում Կարգի 22-րդ կետի պահանջը: Միեւնույն ժամանակ, պատճառաբանում է, որ դեղանյութը շատ կարելուր եւ էական ցուցանիշ է ուստի 6-8-րդ չափաբաժիններով նշել է: Պատվիրատուի պարզաբանման տրամաբանությունը հակասական է: Դեղանյութը էական եւ կարելուր ցուցանիշ լինելով՝ 9-րդ չափաբաժնով չի կարելուրում դրա առկայությունը, սակայն պատճառաբանում է, որ իր համար հստակ պարզ է թե ինչ դեղանյութով է:

Պատվիրատուի «պարզաբանումը» հիմնավորումն է այն բանի, որ 6-9-րդ չափաբաժիններով ներկայացված տեխնիկական բնութագրերը չեն ապահովում Օրենքի 13-րդ հոդվածի եւ Կարգի 22-րդ կետի պահանջը, եւ այս իրողության պարագայում խմբավորված է ներկայացված առանձին բնութագրեր ունեցող ապրանքներն առանց հիմնավորման, բացի այդ ԳԲՔԱ-ԼՕ-2021/11 որոշմամբ բողոքներ քննող անձը եզրահանգել է հետեւյալը, *Օրենքի 25-րդ հոդվածի 2-րդ մասով նախատեսված իրավակարգավորման կիրառման համար՝ անկախ հիմնավոր լինելու կամ չլինելու եւ հիմնավորվածության աստիճանի (օբյեկտիվ հանգամանքներից ելնելով) Պատվիրատուն նախ եւ առաջ պետք է հաշվի առնի Օրենքի 13-րդ հոդվածի 2-րդ մասի եւ Կարգի 22-րդ կետով նախատեսված դրույթները՝ հնարավոր մասնակիցների համար ապահովի մրցակցության հավասար պայմաններ, դրանով իսկ բացառելով գնումների գործընթացում մրցակցության համար չհիմնավորված խոչընդոտների առաջացումը:*

Սակայն, Պատվիրատուի համար, վկայակոչված որոշումը իրավապարտադիր չէ, փաստ 06.04.2021թ հրապարակված ՆՄԲԿ-ԲՄԱՊՁԲ-21/44 ընթացակարգի սույն բողոքով վիճարկվող չափաբաժինները:

Գնահատող հանձնաժողովը չի պարզաբանել, որ եթե 6-9-րդ չափաբաժիններով պարզապես նշվեր դեղանյութը լիմուս ընտանիքի ապա արդյոք դեղապատ ստենտը չէր

ապահովի իր նպատակային նշանակության արդյունքը: Այսպիսով, հստակ նշելով դեղանյութը սահմանափակվում է մասնակիցների շրջանակը:

Պատվիրատուի ներկայացրած տեխնիկական բնութագրերը պետք է լինեն հստակ ընկալելի, խաչընդոտներ չառաջացնող, տարրնկալման տեղիք չտվող, մասնակցությունը՝ չսահմանափակող, հնարավոր մասնակիցների ընդլայնման նպատակ ապահովի եւ ոչ թե՛ բողոքարկված ցուցիչով Պատվիրատուի համար հստակություն ապահովի, փաստացի Պատվիրատուն ներկայացրած տեխնիկական բնութագրերով կանխորոշում է առաջին տեղ զբաղեցնողին, ավելին՝ տեխնիկական բնութագրերը կազմում է նրանց առաջին տեղն ապահովելու համար:

6-րդ չափաբաժնով պահանջվում է դեղապատ ստենտի ճաղերի հաստությունը ոչ ավել քան 81 միկրոն, սակայն 7-9 չափաբաժիններով չի ներկայացնում միկրոնի չափի պահանջ, կամ միկրոնի չափը կարելու է բաղադրյալ չէ կամ արդեն իր համար հստակ է 7-9-րդ չափաբաժիններով հայտ ներկայացնողի առաջարկված ապրանքի միկրոնի չափը (ինչպես 9-րդ չափաբաժնով դեղանյութը չնշելու պատճառաբանությամբ):

Պատվիրատուի գնահատող հանձնաժողովը պարզաբանում չի ներկայացրել առաջադրված բոլոր հարցերի վերաբերյալ, մինչդեռ՝ պարզաբանում չտրամադրելու մեկ պայման է սահմանված Կարգի 32-րդ կետի 22-րդ ենթակետով, *հրավերի վերաբերյալ մասնակցին չի տրամադրվում պարզաբանում, եթե հարցումը վերաբերում է վերջինիս կողմից առաջարկվելիք ապրանքների, աշխատանքների կամ ծառայությունների տեխնիկական բնութագրերի՝ հրավերով նախատեսված տեխնիկական բնութագրերին համարժեքության համապատասխանությանը:*

Վիճարկվող չափաբաժիններով մեկ չափաբաժնով խմբավորված առանձին բնութագրերով ապրանքների պարագայում, որը հստակ չէ, թե՛ որ ապրանքից քանի հատ է պահանջելու կամ առհասարակ պահանջելու է Պատվիրատուն, թե՛ ոչ, սահմանափակում է մեկից ավելի հնարավոր մասնակիցների մասնակցությունը:

Պատվիրատուին սլորտավորեցնել մեկ չափաբաժնով խմբավորված տարբեր ապրանքները ներկայացնել առանձին չափաբաժիններով, ապահովելով ոլորտը կարգավորող օրենսդրի պահանջը: Ի դեպ՝ դրանք իմպերատիվ նորմեր են եւ հայեցողական մեկնաբանության արդյունքում հարմարությունից ելնելով առաջնորդվելու իրավասությամբ օրենսդիրը կիրառողներին չի լիազորել:

Վիճարկվող տեխնիկական բնութագրերը չեն ապահովում Օրենքի 13-րդ հոդվածի եւ Կրագի 22-րդ կետի պահանջը եւ ներկայացված տեխնիկական բնութագրերով մրցույթ իրականացնելու դեպքում կխախտվի նաեւ Օրենքի 3-րդ հոդվածի 1-ին եւ 2-րդ մասերի պահանջը:

3. Բողոքի ընդունելության հիմնավորում.

Սույն բողոքը համապատասխանում է «Գնումների մասին» ՀՀ օրենքի 50-րդ հոդվածի 1-ին մասի պահանջներին.

1. Գնումների հետ կապված բողոքներ քննող անձին բողոքը ներկայացվում է գրավոր, ստորագրված, դրանում ներառելով՝

- 1) բողոքը ներկայացրած անձի անվանումը (անունը, ազգանունը, անձը հաստատող փաստաթղթի պատճենը) եւ հասցեն.
- 2) պատվիրատուի անվանումը եւ հասցեն.
- 3) բողոքարկվող գնման ընթացակարգի ծածկագիրը եւ առարկան.
- 4) վեճի առարկան եւ բողոքը ներկայացրած անձի պահանջը.
- 5) բողոքի փաստացի եւ իրավական հիմքերը, ապացույցները.
- 6) բողոքարկման վճարը կատարած լինելը հիմնավորող փաստաթղթի պատճենը:
- 7) այլ անհրաժեշտ տեղեկություններ:

Օրենսդրի կողմից սահմանված վերոնշված պահանջներն առկա են սույն բողոքում: Համաձայն նշված հոդվածի 1-ին մասի 4-րդ կետի բողոքվ ներկայացված է վեճի առարկան եւ պահանջը:

Եթե բողոքով ներկայացված վեճի առարկայի եւ պահանջի միջև ՀՀ գնումների հետ կապված բողոքներ քննող անձի դիտարկմամբ կան որոշակի անհաստակություններ, ապա դա ամենեւին բողոքը վերադարձնելու հիմք չի կարող լինել:

Ներկայացված բողոքի իրավական հիմքերի եւ ապացույցների լրացման, փոփոխման նպատակով բողոքաբերը սահմանափակված չէ եւ դրանք կարող է ներկայացնել նաեւ բողոքի քննության ընթացքում, ինչ վերաբերում է բողոքի պահանջին եւ վեճի առարկային, ապա այդ առումով եւս բողոքաբերը սահմանափակված եւ կաշկանդված չէ լրացնելու եւ/կամ փոփոխելու, հաստկեցնելու բողոքի քննության ընթացքում, ընդհուպ մինչեւ բողոք քննող անձի կողմից որոշում կայացնելը: Պահանջի փոփոխման, լրացման կամ նոր ապացույցներ եւ իրավական հիմքեր ներկայացնելու անհրաժեշտությունը կարող է առաջանալ նաեւ կապված Պատվիրատուի ներկայացրած դիրքորոշումից:

3. Պահանջ.

3.1. Պատվիրատուին պարտավորեցնել չկայացած համարելու ՆՄԲԿ-ԲՄԱՊՁԲ-21/44 ծածկագրով բաց մրցույթի գնման ընթացակարգի 1-9 եւ 11-13-րդ չափաբաժինները կամ

Պարտավորեցնել ՆՄԲԿ-ԲՄԱՊՁԲ-21/44 ծածկագրով բաց մրցույթի գնահատող հանձնաժողովին փոփոխություններ կատարել հրավերի 1-9 եւ 11-13-րդ չափաբաժիններում:

Կից ներկայացվում են.

1. Անձը հաստատող փաստաթղթի պատճեն,
2. բողոք ներկայացնելու համար վճարման անդորրագրի պատճեն:

Տնօրեն



Ս. Պարիզյան